



Republika e Kosovës
Republika Kosova-Republic of Kosovo
Komuna e Prishtinës
Pristina Obstina-Municipality of Pristina



SEKTORI I PROKURIMIT - KABINETI I KRYETARIT

Bazuar në nenin 108/A paragrafi 10 nënparagrafi 10.2 të Ligjit nr. 04/L-042 për Prokurimin Publik lidhur me nenin 60 të Ligjit nr. 05/L-068 për ndryshimin dhe plotësimin e Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin nr. 04/L-237 dhe me ligjin nr. 05/L-092, si dhe duke u bazuar në nenin 61.3. lidhur me nenin 62 paragrafi 62.1 nënparagrafi d) si dhe nenin 63 paragrafi 63.1 nënparagrafi 63.1.1 të Rregullores (A01) nr. 001/2022 për Prokurimin Publik, duke vendosur sipas kërkesës për rishqyrtim të operatorit ekonomik "DAAKONN" të datës 27.04.2026 kundër njoftimit mbi vendimin lidhur me aktivitetin e prokurimit me titull "Largimi, trajtimi dhe deponimi i materialeve të rrezikshme në Kryeqytet - Ritender" me nr. të prokurimit 616-26-40-5-2-1, Komuna e Prishtinës (autoriteti kontraktues) përmes zyrtarit përgjegjës të prokurimit nxjerr këtë:

V E N D I M

- I. **REFUZOHET** kërkesa për rishqyrtim e operatorit ekonomik "DAAKONN" të datës 27.04.2026 kundër njoftimit mbi vendimin lidhur me aktivitetin e prokurimit me titull "Largimi, trajtimi dhe deponimi i materialeve të rrezikshme në Kryeqytet - Ritender" me nr. të prokurimit 616-26-40-5-2-1.
- II. **AUTORIZOHET** autoriteti kontraktues - Komuna e Prishtinës që të vazhdoj me aktivitetin e prokurimit të përcaktuar si në pikën I të këtij vendimi.
- III. **NJOFTOHEN** palët e interesuara lidhur me këtë vendim përmes publikimit në platformën elektronike E-Prokurimi në adresën <https://e-prokurimi.rks-gov.net>.
- IV. Vendimi hyn në fuqi në ditën e nënshkrimit.

Arsyetim

Operatori ekonomik "DAAKONN" (tutje "parashtruesi") me datë 27.04.2026 ka paraqitur kërkesë për rishqyrtim kundër njoftimit mbi vendimin lidhur me aktivitetin e prokurimit me titull "Largimi, trajtimi dhe deponimi i materialeve të rrezikshme në Kryeqytet - Ritender" me nr. të prokurimit 616-26-40-5-2-1.

Gjatë shqyrtimit paraprak të kërkesës për rishqyrtim të parashtruesit është gjetur se kërkesa është e lejuar dhe është parashtruar brenda afatit nga personi i autorizuar si dhe nuk ekzistojnë pengesa tjera për të shqyrtuar kërkesën e parashtruesit. Në këtë mënyrë janë plotësuar kushtet për të vazhduar me shqyrtimin meritor (*in meritum*) të kërkesës.

Pretendimet ankimore të parashtruesit:

Pika 4. Të Arsyetja e eliminimit të kompanisë : Tenderi është vlerësuar si i papërgjegjshëm. Kompania nuk i ka përmbushur kërkesat e Dosjes së Tenderit (DT) dhe Njoftimit për Kontratë sa i përket mundësive teknike dhe/ose profesionale.

1. Leja mjedisore e paraqitur është e destinuar për trajtimin e Azbestit, siç kërkohej në specifikimet teknike, pasi që AK nuk ka kërkuar sqarime sipas Rregullores Nr. 002/2024, dhe Nenit 72 të LPP-së, shih në folderin nr 5 me emër **Korrigjim i vendimit për Pelqimin Mjedisor Daakonn**, është dorëzuar me kodet të cilat e përfshin trajtimin e asbestin- shih dosjen e dorëzuar:

5. Leja Mjedisore

 Korrigjim i vendimit për Pelqimin Mjedisor Daakonn

 Pelqimi (Leja) Mjedisor Daakonn

Pika 5.. Në si Operatori Ekonomik kemi dorëzuar 'Listën e Stafit Profesional' ku janë identifikuar qartë të gjithë ekspertët dhe punëtorët e kërkuar. Autoriteti Kontraktues, në vend që të eliminojë ofertën tonë, në mbështetje të Rregullores Nr. 002/2024, dhe Nenit 72 të LPP-së, ka pasur obligim të kërkojë sqarim apo plotësim të dëshmive që mund të kenë munguar teknikisht, duke qenë se substanca e kërkesës (emrat dhe kualifikimet) ishte prezente në ofertë."

Pas njoftimit të vendimit tuaj, kemi konstatuar se Autoriteti Kontraktues (AK), lidhur me kërkesën tonë për rishqyrtim e konsiderojmë se arsyetimi jonë është i bazuar me faktet tona pas ekzaminimit të ofertave.

Të anulohet vendimi u Njoftimit për Dhënie të Kontratës.
Të shpallet OE fitues i papërgjegjshëm për shkak të devijimeve materiale.

Kërkojm nga AK-ja që të bëjë rivlerësimin e ofertave konform LPP-së.

Parashtruesi po ashtu ka parashtruar pretendime ankimore sipas të cilave oferta e tenderuesit të rekomanduar për kontratë është e papërgjegjshme për arsyet e prezantuar në kërkesën për rishqyrtim.

Sipas letrës standarde për tenderuesin e eliminuar, parashtruesi është shpallur si tenderues i papërgjegjshëm dhe është eliminuar për arsyet si në vijim:



Republika e Kosovës
Republika Kosova-Republic of Kosovo
Komuna e Prishtinës
Pristina Obština-Municipality of Pristina



SEKTORI I PROKURIMIT - KABINETI I KRYETARIT
KUVENDI I KOMUNES SE PRISHTINES, TREPQES NR.2 - PRISHTINE

B42 - Letër standarde për tenderuesin e eliminuar1

Titulli i kontratës: Largimi, trajtimi dhe deponimi i materialeve të rrezikshme në Kryeqytet

Nr. i Prokurimit: : 616-25-6217-5-2-1

Të nderuar (a)

Operatorë Ekonomik: **DAAKONN SH.P.K**

Faleminderit që morët pjesë në procedurën e lartshënuar të prokurimit publik. Procedura është udhëhequr në pajtim me Ligjin për Prokurimin Publik Nr. 04/L-042, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, siç citohet në vazhdim "LPP".

Tenderi juaj është vlerësuar me kujdes sipas kushteve dhe kërkesave të dhëna në njoftimin e kontratës dhe në dosjen e tenderit. Me keqardhje ju njoftojmë se jeni eliminuar për shkak të arsyeve në vijim:

[Tenderi i juaj] është i papërgjegjshëm

Nuk i kemi përmbushur kërkesat e DT-së dhe Njoftimit për Kontratë: Kërkesat mbi mundësitë teknike dhe/ose profesionale

ARSYETIM: Tenderi juaj është refuzuar për këto arsye:

Ju si OE-ik me oferte financiare me çmim prej: 46,920.00 EUR, Komisioni pas shqyrtimit, analizimit dhe krahasimit të ofertës me kërkesat e njoftimit për kontratë dhe dosjes së tenderit, konstaton se ky operator nuk është i përgjegjshëm:

1. OE me ofertën e tyre nuk kanë arritur të dëshmojnë kërkesën: Kërkesat mbi mundësitë teknike dhe/ose profesionale 9.1 & 9.2 Kapaciteti teknik dhe profesional pika 2 e DT-së dhe Aneksit I SPECIFIKIMET TEKNIKE TË DETYRUESHME pasi që GOE me ofertën leja mjedisore e paraqitur nuk është e destinuar për Azbest.
2. OE me ofertën e tyre lidhur me kërkesën nr.5. të DT-së dhe njoftimit për kontratë nuk ka paraqitur fare Një (1) ekspertë për trajtimin e materialeve me përmbajtje të asbestit. Eksperti duhet të jetë sipas normave ndërkombëtare, me referenca në udhëheqje të projekteve në trajtimin e materialeve dhe mbetjeve me përmbajtje azbesti, i certifikuar respektivisht me certifikate valide duhet të dëshmohet që eksperti është certifikuar për 1. Për kontroll të azbestit; 2. Inventarizim të azbestit, 3. Largim të azbestit dhe materialeve me përmbajtje azbesti; 4. Menaxhim të mbetjeve të materialeve me përmbajtje azbestit . 5. Njohori teknike për pluhurin e

Faqe 2 nga 4

Adresa: Rr. "UÇK" nr. 2, Prishtinë 10000

Tel.: 038-200-40-111

Email: visar.shahu@rks-gov.net

- fibrave te azbestit. 6. Për paisje ,paisjeve mbrojtese si dhe paisjeve te azbestiti. 7. Për sigurine dhe shendetiti ne zonat e kontaminuara.
3. OE me ofertën e tyre lidhur me kërkesën nr 6. te DT-së dhe njoftimit per kontrate nuk ka ofruar fare CV për (6) punëtor të certifikuar për largimin e materialeve me azbest sipas normave ndërkombëtare. Dëshmi e kërkuar: 6. Të dëshmohet me kopje te certifikatave CV, certifikata , Kontrata e punes me punedhënesin ose marrëveshja mbi angazhimin per kete project, si dhe Referenca per punet e meparshme ne lemin e kerkuar te leshuar nga punedhënesi.
 4. OE me ofertën e tyre lidhur me kërkesën nr 8. te DT-së dhe njoftimit për kontrate Një (1) inxhinier i makinerisë me së paku tre vjet përvojë pune, i certifikuar për punë në lokalitetet me azbest. Dëshmia e kërkuar: 8. Dëshmia CV, diploma, certifikata , Kontrata e punes me punedhënesin ose marrëveshja mbi angazhimin per kete project, si dhe Referenca per punët e meparshme ne lemin e kerkuar te leshuar nga punëdhënësi, per kete pike OE NUK KA ARRITUR TE DESHMOJ Cerifikaten per azbest sipas kërkesës dhe dëshmisë.
 5. OE me ofertën e tyre lidhur me kërkesën nr 9. te DT-së dhe njoftimit për kontrate, Një ekspert mbështetës në zyrë. Dëshmia e kërkuar: 9. Të dëshmohet me kopje të diplomës opo çertifikata, CV e nenshkruar si dhe marrëveshja mbi angazhimin apo kontrata e punës, OE per kete pike nuk ka deshmuar diplomën e ekspertit sipas dëshmisë se kërkuar.

Nëse besoni se Autoriteti Kontraktues, gjatë procedurës së prokurimit publik, ka shkelur LPP apo rregullat e zbatueshme, ju keni të drejtë te parashtroni ankese pranë Autoritetit Kontraktues, në bazë të nenit 108/A të Ligjit Nr. 04/L-042 për Prokurimin Publik të Republikës se Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092.

Edhe nëse nuk kemi qene në gjendje t'i përdorim shërbimet tuaja kësaj here, besojmë se do të vazhdoni të shfaqni interesim për nismat tona të ardhshme të prokurimit.

Me respekt: Sektori i Prokurimit

Lidhur me pretendimet ankimore të parashtruesit sa i përket arsyeve eliminuese të prezantuara në letrën standarde përmes të cilit parashtruesi është eliminuar si i papërgjegjshëm, është gjetur që arsyet e evidentuara nga komisioni vlerësues për eliminimin e parashtruesit si të papërgjegjshëm janë të sakta, të matshme dhe të ligjshme. Rrjedhimisht është gjetur se eliminimi i parashtruesit është bërë në mënyrë të drejtë. Në fakt edhe vet parashtruesi nuk i kundërshton drejtpërdrejtë këto arsye eliminuese por eventualisht thotë që ato përbëjnë devijime materiale (të vogla) për të cilat nuk është dashur të eliminohet ose thotë që AK është dashur t'i kërkoj sqarime shtesë për ti dhënë mundësinë që ti përmisoj gabimet e bëra në oferta.

Ndërsa sa i përket pretendimeve ankimore lidhur me tenderuesin e rekomanduar është gjetur se përderisa vet parashtruesi ka dorëzuar ofertë të papërgjegjshme, i njëjti nuk mund të trajtohet fare si palë e interesuar në kuptim të nenit 4 par. 1 nënpar. 26 të LPP. Pavarësisht kësaj është gjetur se oferta e dorëzuar nga tenderuesi i rekomanduar është në përputhje të plotë me të gjitha kërkesat e DT si dhe specifikat teknike të DT. Në këtë mënyrë është gjetur se parashtruesi ka dorëzuar ofertë të papërgjegjshme për të cilën me të drejtë është eliminuar nga aktiviteti i prokurimit ndërsa të gjitha pretendimet e tij ankimore janë të pabazuara në tërësi.

Nga sa u tha më sipër është gjetur se parashtruesi nuk ka paraqitur argumente të qëndrueshme për të mbështetur pretendimet e tij. Prandaj kërkesa për rishqyrtim e parashtruesit është refuzuar si e pabazuar në tërësi.

Për pikën I dhe II të këtij vendimi është vendosur duke u bazuar në nenin 63 par. 63.1.1. nënparagrafin b) lidhur me nenin 62 par. 62.1. nënparagrafin d) të Rregullores nr. 001/2022 për Prokurimin Publik. Për pikën III dhe IV të këtij vendimi është vendosur duke u bazuar në nenin 63 par. 63.2. të Rregullores nr. 001/2022 për Prokurimin Publik. Bazuar në të thënat më sipër është vendosur si në dispozitiv të këtij aktvendimi.

Prishtinë, 04.05.20256

Visar SHEHU

Udhëheqës i Sektorit të Prokurimit
Komuna e Prishtinës

Këshillë juridike:

Pala e pakënaqur me këtë vendim mund të paraqes ankesë pranë Organit Shqyrtues të Prokurimit brenda afatit prej dhjetë (10) ditëve pas pranimit të këtij vendimi.